

TLAHTOLMATILISTLI

SETSIN. Mo'ixpatla nochi Amatlanawatilistli tlen Masewalmeh 'Inintlatechpowilis ipan Yankwik Kechxochitekwani Altepetl, katli kehni mokawas:

AMATLANAWATILISTLI TLEN MASEWALMEH ININTLATECHPOWILIS WAN AFROMEXKO'EWANEH IPAN YANKWIK KECHXOCHITEKWANI ALTEPETL.

AXTOWI AMATOHKAYOTL TLANAWATILI TLEN NOCHI KIN'AHASI

Tlanawatili 1.- Ni Amatlanawatilistli ni tlen nochimeh ki'ixmatiseh wan nochi totechwetsi, itlanawatil moyekana ipan tlanawatili 2º (ome) tlen Amochtlasentiltlanawatilistli tlen 'Iseltsin 'Altepetlaalli wan Weytlanawatihketl Yankwik Kechxochitekwani. Kipiya 'asitilistli kimokwitlawis, kimalwis, kitlachilis, kimoyawas tlatechpowilistli wan nemiliskayotl tlen **masewalmeh**, masewal'**altepehmeh** wan **afromexko'ewaneh**, tlen ahkeya 'imako 'eltok ni Altepetekowihkayotl wan Altepetlatilantineh tlen Yankwik Kechxochitekwani.

Kinihtsa monekis mosenkawas ika kitekiwises ni tlanawatilli tlen Amatlanawatilistli monekis momatis **kenihki nopa tlakatl kineki ma ki'ixmatika** ika imasewalnemilis o **afromexihko'ewani**. Tlatechpowilistli tlen **kinihki kineki ma ki'ixmatikah** tlen **masewalmeh** wan **afromexihko'ewaneh** kenopa mo'ixmatis tlanechikolli kampa ya mopantiya o san iselti, ma motlepanitas **kenihki mochiwa ipan kaltlanawatilkayotl tlen altepehmeh**.

Tlanawatilli 2. Kenihki tekichiwas ni 'Amatlanawatilistli moneki momachilis:

I. **afromexko'ewaneh**: Chinankomeh, **Altepemeh** tlen **afrikano'ewaneh** wan **mochantihtokeh ipan Mexihko weyi'altepetl**. Kin'ixmati **afromexko'ewaneh** ahkeyahwantih kipiya san se nemiliskayotl, tlatenpowalnemilistli, tlanawatilistli, tlahtolistli o seyok tlamantli, kampa mo'ixmatih yahwantih **afromexko'ewaneh**, **kenihki mo'amatlaltok ipan ni tlahtoltlapantli**.

Axakan ki'iyokachiwaseh **kenihki onmo'ihito ipan ni tlahtoltlapantli**, ni Amatlanawatilistli kinmapalewis **masewalmeh** wan **nechikolmeh afromexko'ewaneh** ahkeyahwantih panoh o **mochantihtokeh ipan ni 'Altepetlaalli**.

II. **Anawakpan Tlahtolmakako**: Anawakpan Tlahtolmakako tlen **Masewal'altepehmeh**, **kenihki ki'ihkwilihtok ipan ni Amatlanawatili tlen Anawakpan Tekowikalli tlen Masewal'altepehmeh**;

III. **Tlatechpowilistli**: **Tlaktlatechpowilistli**, tlen **tlachikwawaltihkayotl wan/o san tlen moneki**:

a) **Tlaktlatechpowilistli**: Tlen tiweli tihchiwas wan tlamapalewilistli tlen tihpiya pampa tiyoltok, ika ya axwelis ti'istos; wan

b) Tlatechpowilistli tlen moneki: ki'ihstosneki tlen masewalmeh wan masewal'altepehmesh o afromexko'ewaneh pampa kehnopa itstokeh wan mo'ixmoatih, wan kehni kin'ixmati innnemilischiwalis o afromexko'ewaneh.

IV. Altepetekowihkayotl: Tlen Iseltsin Altepetekowihkayotl wan Weytlanawatihketl Yankwik Kechxochitekwani;

V. Masewalmeh. Nechikolmeh, 'altepehmesh wan masewal'anawakmeh ahkeyawantih kitokilihtiwalowih nemilismatilkayotl tlen wehkapameh wan tlen mosenchantihken ipan inintlaal, kin'itah kenihki sekihnok nechikolmeh tlen 'itstokeh ipan nopa tlaalli. Kinxehxelohkeh ika nehnechikoltsitsin chinamitl kampa san kimokwitlawihtiwalowih, kiweyichihtiwalowih wan kimoyahtiyowih inintlahlamikis ika yankwikeh ikonewah tlen inintlaaltepan wan tlen innnemilkayo altepepan, wan mopiyalayah tlen yahwantih inintlanawatilkayo, tlapiyalistli, toltekayotl wan tlahtolkayotl. Ki'ixmatih ken se masewaltlakatl ahkeyahwantih kipiayah se nemilismekayotl, tlamatilnenkayotl, tekiyotl, tlahtolistli wan sekihno sekih, wan sekin motokaxtiya masewalmeh wan masewal'altepe'ewaneh kenihki mo'ihkwilohtik ipan ni tlahtoltlahtlapantli.

Axakan ki'iyokachiwasneki kenihki nikan mo'amatlaltok ipan ni tlahtlapamitl, ni amatlanawatilistli kin'ahasis san tlen masewalmeh wan nechikolmasewalmeh tlen panoh o nikan mochantihtokeh ipan ni Altepetlaalli;

VI. Anawakpan Kaltekichiwani: Anawakpan Kaltekichiwani tlen Masewal'altepehmesh, kenihki nikan mo'amatlaltok ipan Amatlanawatilistli tlen Anawakpan Kaltekichiwani tlen Masewal'altepehmesh;

VII. Altepetlatilantli: Altepetlatilantli tlen Iseltsin Altepetlaalli wan Weytlanawatihketl Yankwik Kechxochitekwani;

VIII. Masewaltlayekananeh o afromexko'ewaneh: Tlakameh tlen kintekikahtokeh kenihki innnechikoltekichiwalis o afromexko'ewaneh, kampa kitlepanitah inintlanawatil tlen inin'altepepan.

IX. Secretaría: Secretaría tlen san se iwikal Tlayehyekolistli wan Tlaselistli.

X. Tlanawatilmekayotl tlen kal'ihlik: Tlasentiltlanawatilistli, tla'ihkwilolpan wan tlatolpan tlen motekowihtiwala ipan se tlasenkawalli tlen masewalmeh wan afromexko'ewaneh, motekowiya ika kiyekana inintekichiwali wan ika tlaxitlawalistli ipan se kwalantli, motlachiliya ma axkan ki'ixpano seyok masewaltlatechpowilli wan masewal'altepehmesh o afromexko'ewaneh wan

XI. Masewaltlanawatilkayotl: Ika motenpalewiya tlanawatilkalko wan kampa ixnesi kenihki se masewal'altepetl o afromexihko'ewani.

Tlanawatilli 3.- Masewalmeh wan afromexihko'ewaneh kipiya tlatechpowilli kichiseh inintlatoltekayo kampa axwelis ki'ohtsakwiliseh, kin'iyokachiwaseh. Nohkiya ma

nuevoleon'ewaneh kitlepanitakah tlen tekitemaktilistli kichiwah ika inintekih wan nemiliskayotl.

Tlatechpowilistli tlen nochimeh tlakameh ki'asikamatisesh amo welis molokotsos yon mokotonas pampa tla mochiwas ni amatlanawatilistli.

Tlanawatilli 4. Masewalmeh wan afromexihko'ewaneh kipiya tlatechpowilli ki'asikamatisesh tlananawilistli ma axkan kintenpatilikah. Altepetl wan tlatilan'altepetl axweli kipiaseh, kipalewisch se tekowichiwilistli ika kinekih kipatlaseh toltekayotl o kenikiseh ki'ixpoloseh se masewalaltepetl o afromexko'ewaneh.

Tlanawatilli 5.- Masewalmeh wan afromexihko'ewaneh kipiya tlatechpowilli kiseliseh tlatenpalewilistli tlen tomintekichiwilistli wan tlasenkawaltekitl tlen kenihki kitekowis itlatechpowilis.

Tlanawatilistli 6. Altepetekowihkayotl wan Altepetlatilanmeh moneki ki'asikamatisesh, kampa itstokeh masewalchinankomeh o afromexko'ewanih, ipan inintekichiwilis ki'iskaltiseh tekichiwalli ipan tekaltekichiwalli, kaltekowihchiwani ma 'itstokah tekitineh tlen ki'ixmatih tlahtolmasewalli wan afromexihko'ewanih tlen monekiliya ipan altepepan.

Tlanawatilli 7.- Altepetekowihkayotl wan Altepetlatilanmeh, ipan inintekichiwilis, monekis kisentlaliseh tekitl wan tlanawatili ika ki'asikamatisesh nochi tlen ipan ni Amatlanawatilistli mo'amatlaltok, kehino nohkiya tlatepanilistli tlen nochi tlatechpowilistli tlen masewalmeh wan afromexihko'ewaneh.

**'OME AMATOHKAYOTL
TLEN TLATECHPOWILIS TLEN MASEWALTLAKAMEH WAN AFROMEXKO'EWAMEH
TLASENTILTLAMATILLI I**

**TLEN TLAHTOLTECHPOWILISTLI, TOLTEKAYOTL, NEMILISKAYOTL WAN
TEKOWIHKAYOTL**

Tlanawatilli 8.- Masewalmeh wan afromexihko'ewaneh kipiya tlatechpowilli kipixtoseh wan kiweyichiasesh toltekayotl kampa momalwihtiyas ininmiliskayo, nohkiya inintlatchpowilis kenihki yahwantih mo'ixmatiseh wan ki'ixmatiseh. Tlahtolmasewalli wan afromexihko'ewaneh san se ininpatika kipiaseh iwaya tlahtolli tlen motekowuya ipan kaltekowihchiwalli tlen Altepetl.

Axweli kichiwas se tlamantli se tekowihketl o ahkaya kampa kitenpolosnekis masewal'altepetl wan afromexihko'ewaneh.

Tlanawatilli 9.- Masewalmeh wan afromexihko'ewaneh kipiya tlatechpowilli ma ininitlahtol wan toltekayotl ma momalwi, nohkiya ma motekiwi wan ma motsontlalana ininnemiliskayo. Altepetl tekowihchihketl ipan kaltekichiwan inintechpowi kinmapalewiseh masewalmeh wan **afromexihko'ewaneh** ma momalwi, **ma ax'ixpolowi**, ma kipiayah tlananawilistli wan ma mo'itskali toltekayotl tlen nama mopixtok wan ma mokwitlawi nochi tetsakwalli, Teopankwawalli wan kaltlateochiwalli. Kehino tlapalewiseh masewalmeh wan **afromexihko'ewaneh**, ma mochiwakas se kalko kampa mo'ihkwinis wan moweyichiwas chinankomitl museos.

Tlanawatilli 10.- Masewalmeh wan afromexihko'ewaneh kipiya tlatechpowilli kitokiliseh wan kineltokaseh inintlateotlachiwalyekanalisis.

Tlanawatilli 11.- Ni masewaltlatechpowilistli **wan afromexiko'ewaneh** kampa welis monechikoseh wan kitsontlananaseh inintlahtol, nochi tlen ininnemiliskayo, tlanawatilkayo, tlakentli, kwikatl, mihtotilistli, ilwichiwalistli wan nochi tlen kitetiliya ininnemiliskayo.

Tlanawatilli 12.- Masewalmeh wan afromexihko'ewaneh kipiya tletechpowilistli ma kintlatepanitakah, kimalwikah, ma mochiwa wan ma momoyawa ininsenyelismekayo, ma nochipa ma motlachili ma axkan kema ki'ixpanos kenihki mo'amatlaltok ipan Amochtlasentiltlanawatilistli Tekowihtekichiwalistli tlen Mexihko'altepesentilistli, ipan amatlasenkawalli tlen aanalli ipan tekichiwalli tlen Tlakatltechpowilistli wan Amochtlasentiltlanawatilistli tlen 'Iseltsin 'Altepetlaalli wan Weytlanawatihketl Yankwik Kechxochitekwani.

Tlanawatilli 13.- Mo'ixmati wan motlepanita masewaltlanawatilkayotl **wan afromexihko'ewaneh** kenihki moyekanah ika ininseyeliswah o ininchantiwah, ipan komontekitl wan ipan nochi tekkitl kampa motekiwiya ika momanawiseh, weyi chiwaseh wan ika kisenkawah kwalantli.

Tlanawatilli 14.- Ni Amatlanawatilistli kitlepanita wan kimoyawa tlatechpowilistli tlen masewalmeh **wan afromexihko'ewaneh**, ma iniselti moyekanakah, ma monawatikah, ma yahwantik motookatlalika, ma motekowihyekanakah wan ma kipiayah se masewaltlayekanketl wan afromexihko'ewani, wan ma axkan ki'ixpano Amochtlasentiltlanawatilistli Tekowihtekichiwalistli tlen Mexihko'altepesentilistli, ipan amatlasenkawalli tlen aanalli ipan tekichiwalli tlen Tlakatltechpowilistli wan Amochtlasentiltlanawatilistli tlen 'Iseltsin 'Altepetlaalli wan Weytlanawatihketl Yankwik Kechxochitekwani:

I. Ki'ihdoseh kenihki mosenwikaseh wan monawatiseh, moyolchikawaseh, moyekanaseh wan kiyehyekoseh tla'iyokalistli.

II. Mochiwas kenihki **inintekowihkalchiwani** wan inintlanawatilmekayo;

III. Kintlapehpeniseh kenihki inintlanawatil, kenihki moyekana ika tekichiwalistli kema kitekowihmakaseh se tlakatl axkeya **kinyekanas masewalmeh o afromexihko'ewani**, wan ma motlepanitla tlatechpowili wan kampa **nochimeh masewalmeh san se tlayehyekolli kipyaseh**;

IV. Kitekowiseh, kimokwitlawiseh wan kiweyiliseh inintlahtol, tlamatilkayotl wan nochi tlamantli tlen ka ika mo'ixmatih ipan innemilis;

V. Kimalwiseh wan kikwalsenkawaseh kampa mochantihtokeh;

VI. Welis kipyaseh tlaalli, amatlalli wan sekihno tlamantli ika mo'axkatiseh.

VII. Welis ki'ixmatiseh wan motlahtlaniliseh tlapalewili tlen tekowichiwalistli tlen temaktilis Altepétlanowatihketl ipan ininkaltekichiwani; wan

VIII. Welis momapalewiseh ipan tlananawilistli tlen Altepétlanowatihketl.

Tlanawatilli 15. Ipan inintechpowilis kampa ininseltih moyekanaseh, masewalmeh **wan afromexihko'ewaneh** welis kitlapehpeniseh, **ipan sesen ininchinanko**, ankeya **welis** kinyekanas ipan Kaltlanawatiyani Altepétlatilantli.

Altepétlatilantli tlen Kaltlanawatiyani kampa mochantihtokeh masewalmeh **wan/o afromexihko'ewaneh**, moneki kichiwaseh nechikoltekitinih kampa kitlachiliseh nochi tlen masewaltekitl, tlayekananeh monekis kitlepanitaseh kenihki monawatiya ipan masewalmeh wan **afromexihko'ewaneh**.

Tlanawatilli 16.- Masewalmeh wan afromexihko'ewaneh kipiya tlatechpowilli kintlaxtlawiseh o kinkwaltlaliliseh tlan kinkwiliya se tlamantli tlen toltekayotl, tlamatiyotl, teochihkayotl tlen kinkwilihtokeh.

TLASENTILTAMATILLI II MIYAKIH TOLTEKAYOTL TLAMACHTILISTLI

Tlanawatilli 17.- Altepetekowihkayotl, ipan kaltekichiwani tlen tlamachtilistli, kitsontlalanaseh ma **masewalmeh wan afromexihko'ewaneh**, kipyakah tlamachtilli tlen inintechpowi, ika miyaki toltekayotl **wan ika omekpan tlahtoltlamachtilli tlen anawak wan tlen masewaltlahtolli o afromexihko'ewani**.

Masewaltlakameh wan afromexihko'ewanih initechpowi kinmachtiseh ma tlapowakah wan tlahkwilokah ikan inintlahtol wan ma welika tlahtolli tlen moneltekowiya ipan anawak.

Tlanawatilli 18.- Altepetekowihkayotl ki'asikamatis ipan tlamachtilli publica wan privada ma nomoyawa miyakh masewaltoltekayotl, miyakh masewaltlahtolli wan ma onka tlatepanitalistli ika nochi tlahtolistli kampa tlamapalewihseh tla'ixmatili wan motsontlanas masewaltlahtolli wan afromexihko'ewaneh wan itlahkwilolis. Tlamachtiltekowihkemeh inintechpowi tematiltiseh tlamatilkayotl wan masewaltlahtolli o afromexihko'ewaneh tlen itechpowi ipan altepetl.

Tlanawatilli 19.- Altepetekowihkayotl, ika ikaltekichiwil, ki'amatlaliseh ipan inintekichiwil wan tlamachtiltekiyotl tlen motemaktilis ika kinyekanaseh toltekayotl tlamatilistli wan kenihki innemilis, miyakh masewaltlahtolli, 'innemiliskayo, nenkayotl, tekichiwalkayotl wan masewaltlamatilkayotl **wan afromexihko'ewaneh**, kenihki weyi tlanawalkayotl tlen kinyekana ki'amatlalihtok ma mosenkawa.

Altepetekowi iwaya Federación momapalewihseh kisenkawaseh se tlamachtilli kampa nochimeh weliseh momachtiseh masewalmeh **wan afromexihko'ewaneh**.

Tlanawatilli 20.- Altepetekowihkayotl ika ikaltekichiwil inintechpowi kimoyawaseh se tomintlamapalewihkayotl kampa sanse tlayehyekolli kipiaseh siwameh wan okichmeh masewalmeh **wan ofromexihko'ewaneh**, ipan nochi tlamachtilistli.

Nohkiya mochiwas, iwaya masewalwewemeh wan afromexihko'ewaneh ki'asikamatise ni tlatechpowilli, ika weliseh tlapowaseh wan tlahkwiloseh wan kitlamiltiseh inintlamachtil, moneki tlapalewis Altepetekowihketl wan Altepetlatilantli tekowihketl iwaya tlen Federación ika Anawak Kaltekichiwani tlen Wewemeh Tlamachtilistli.

Tlanawatilli 21.- Masewal'altepemeh wan afromexihko'ewaneh kipiayah tlatechpowilistli kinmakaseh wan kiseliseh tomintlapalewilistli ika kisenkawaseh ininkaltekichiwil wan inintlamachtiltekichiwil. Altepetekowiketl moneki kichiwas ma mosenkawa.

Tlanawatilli 22.- Masewal'altepemeh wan afromexihko'ewaneh kipiayah tlatechpowilistli ma kintitlanilihtiyakan wan ma kinmaktilihtiyaseh tlamachtiltekichiwalli tlen masewal'altepemeh wan afromexihko'ewaneh.

TLASENTILTLAMATILLI III TLEN TEKIYOTL TLATECHPOWILISTLI

Tlanawatilli 23.- Ipan ni Altepetekowihkayotl, sekihnok Altepetekowihmeh wan tlen san ininselti tekith moneki kitlepanitates tlatechpowilistli tlen masewalmeh wan **afromexihko'ewaneh** ika sanse tlayehyekolli kipiaseh kema kitemowah se tekith, nohkiya tekith tlen moneki tla'ixmatilkayotl wan ipan amatlasenkawalli ika mo'ixmaktiyas wan

tlenkotiyas ipan tekittl, nohkiya ipan tlaxtlawilkayotl sanse tlaxtlawili ipan sanse tekichiwalli, ma onka **tlamanawilistli wan tlamokwitlawilistli ipan tlekitl**.

Altepetekowihkayotl wan Altepetlatilantineh, momapalewisch iwaya federales tekowihkemeh, kinmokwitlawisch tekichiwaneh tlen **mo'ixmatih** kenihki masewalmeh **o afromexih'ewaneh** kenihki **ni amatlanawatili** ki'amatlaltok ma kipiayah tlapalewilistli tlatechpowilistli tlen seguridad social ika itstoka ika chikawalistli iwaya isenyelishwah.

Altepetekowihkayotl wan Altepetlatilantineh, momapalewisch iwaya federales tekowihkemeh, kinmokwitlawisch masewalmeh wan afromexih'ewaneh ma axkan motlaxikoltiyakah ika yahwantih ma axkan ki'ixpanoka nochi tlakatlatchepowilistli.

Tlanawatilli 24.- Altepetekowihkayotl iwaya nopa Secretaría tlen Tekiyotl, kimoyawaseh tekittl tlatechpowilistli wan temaktilish tlamapalewilli ika tlamachtilsenkawalli ipan tekittl wan tekimaktili ininwaya masewalmeh **wan afromexihko'ewaneh**.

Ni kitetlasentilchiwalli moneki motlachilis ika tomintlatekowilistli, kenihki monemiltiya, toltékayotl wan tlachke kitemowah tekichiwaneh.

Tlanawatilli 25.- Tekowihmeh tlen inintechpowi tlen Altepetl wan tlatilan'altepetl, **sansehko tekitish ininwaya Federación** wan ma momanawis se kwaltsin iskaltilistli tlen okichpilmeh wan siwapilmeh tlen **masewalmeh wan afromexihko'ewaneh**, momatiltis ma **sanse tekitlayehyekolli kipiayah masewaltekiteh, kenihki mo'amatlaltok ipan amatlanawatilist tlen mana tlanawatiya**. Wan ma motlachilli nopa tekichiwalistli tlen mochiwa ikal'itik ma axkan ki'ohtsawilli ipan itlamachtilis.

Tlanawatilli 26.- Ankewelli welis motlate'elwis ika tekowihkemeh tlen inintechpowi, nochi tlamantli tlen kin'ixpanos masewaltekiteh **wan afromexihko'ewaneh** tlan tlawel kinpinahtiyah, axkwalli tekittl kinmakah kampa kintlakayo'ihlakowa, o kineltlatsokwiltiyah ika tekittl, o kintenmahmatiya, kinkwiliyah inin'amatekih, kintlaxtlawiyah ika tlamantli, tla tlawel kin'ixkotoniliya nochi inintlatchepowilis.

Tekowihmeh tlen altepemeh wan tlatilantimeh ipan intekichiwalis, kinmapalewisch ma motlate'elwikah masewalmeh **wan afromexihko'ewaneh**, wan kintlahtolpalewisch tetlatenpalewihkemeh tlen inintechpowi.

TLASENTILTLAMATILLI IV TLEN TLAYOLCHIKAWALISTLI TLATECHPOWILLI

Tlanawatilli 27.- Masewalmeh wan afromexihko'ewaneh kipiya tletechpowilistli ma kipiayah tlamapalewilistli tlen tlayolchikawalistli tlen inintlakayo wan inintlahlamikilis, wan ma sekwalli tlaselilistli ma kinmakakah ma axkan kin'iyokawakah wan ma

kinnohnotsakak ika inintlahtol wan ika se kwalli tlayekanalli, ni tlahtolmaktlistli welis mochiwas ika ni yankwik teposmekayotl.

Tlanawatilli 28.- Altepetekowihkayotl wan Altepetylantlanineh tlen kinpiyan masewalchinakomeh **wan/o afromexihko'ewaneh** tematiltiseh nochi tekichiwalistli ika motsontlalanaseh wan mo'ahkokwis masewaltlapahtihkayotl, ma mosenkawas kaltekitl kampa motokilis nitekichiwalli. Nohkiya temapalewihseh tetlahtolmakase, kisekotiliseh wan xehxeloseh xowipahtli wan sekihno pahtli, motlachilis ma axkan ki'ixpanoseh tlanawatili ika pahtli tlen axweli motekowis pampa kipiya tlatsatsakwiltli. Wan nohkiya onkas yankwik tla'ixmatilistli wan tlasenkawalistli tlen ahkeyawantih kitekowiyas masewalpahtilkayotl, kehino welis momalwis wan momanawis totlaalnantsin.

Tlanawatilli 29.- Xowipahtli tlen masewalmeh **wan afromexihko'ewaneh** welis kitekowiseh ika malwilli, motekowis ika momapalewis ika nopa sekih pahtli ika se tlachikawalistli. Wan ma axkan ki'ihnos Altepetekowihkayotl axtemaktilis tepahtilistli ipan kaltepahtilli.

Tlanawatilli 30.- Altepetekowihkayotl kinmapalewis ipan inintlakwalis masewalmeh **wan afromexihko'ewaneh** ika tekittlakwaliskayotl, wan kinneltlachilis konemeh tlen chinankomeh.

TLASENTILTLAMATILLI V

TLEN TLATECHPOWILISTLI TLEN ALTEPETLAALLI, ALTEPETEKIPANOLISTLI WAN TLAALNANTSIN

Tlanawatilli 31.- Altepetekowihkayotl wan Altepetylantlanineh kisenkawaseh tlayekanalistli ika kinmapalewihseh masewalmeh **wan afromexihko'ewaneh** ma weliseh kiseliseh se kalli senka kwaltsin. Wahka monekis ma kisenkawaseh se tlasentiltekichiwalistli tlen monekis mochiwas, kenihki mo'amatlaltok ipan amatlanawatilistli.

Tlanawatilli 32.- Altepetekowihkayotl wan Altepetylantlanineh ika se kwalli tekichiwalli kinyekanaseh ika kitemowiseh tomintlapalewilistli, tlakowalistli, tlachihchiwalistli o tlasenkawalistli tlen se kalli, tlen masewalmeh **wan afromexihko'ewaneh**.

Tlanawatilli 33.- Altepetekowihkayotl wan Altepetylantlanineh ki'amasenkawaseh tlasentiltekichiwalistli kampa kitemos kitetilis wan kiweyilis tlamapalewilistli tlen tlamantli tlen nelmoneki 'aatl, kwitla'ohtli, tliimekatl wan sekihno tlamapalewihkayotl tlen moneki ipan masewalmeh **wan afromexihko'ewaneh**.

Tlanawatilli 34.- Altepetekowihkayotl wan Altepetylantlanineh ika sekih nechikoltekitinih tlen inintechwetsi kimokwitlawiseh tlaalnantsin, kenihki eltok ipan amatlanawatilli,

mosekotiliseh ininwaya masewalmeh **wan afromexihko'ewaneh** kenihki kichiwaseh tekichiwalli ika tlamalwaseh ipan inintlaaltipan, **ma onka yolchikawalistli**.

TLASENTILTLAMATILLI VI TLEN TEPOSTLANOHNOTSALONI

Tlanawatilli 35.- Masewal'altepemeh **wan afromexihko'ewaneh** kipiayah tlatechpowilistli kitlaliseh tepostlanohnotsaloni ikan inintlahtol momatiltiseh tekitl. Altepetekowihkayotl ininwaya tekowihkemeh wan nechikoltekitineh federales, kinmapalewaseh ma mochiwa ni tlatechpowilistli.

Tlanawatilli 36.- Altepetekowihkayotl wan Altepetlatilanmeh, ika ininteposmekatlanohnotsaloni kipanoltiseh tlayolmelawalistli, toltekayotl, nemilkayotl tlen masewalmeh **wan afromexihko'ewaneh**, kenohpa nohkiya tekichiwalli ika masewaltlahtolli wan afromexihko'ewaneh, wan ma motlachili ni tlamantli;
I.- Ma motlepanitas miyak toltekayotl ipan Altepetlaalli;
II.- Ma mo'asikamati tlatechpowilistli tlen tlahtolistli, tlamatilkayotl wan tlanohnotsalkayotl; wan
III. Ma motlepanita nochi tlatechpowilli tlen masewalmeh **wan afromexihko'ewaneh**.

Tlanawatilli 37.- Masewal'altepemeh **wan afromexihko'ewaneh** kipiayah tlatechpowilistli kimoyawaseh tlamatilkayotl wan tlanawatilistli, kihni nohkiya tlasentiltekichiwalistli, altepetekipanoltistli tlen masewal'altepemeh initechpowi, wan ma mochi 'ika inintlahtol.

Tlanawatilli 38.- Masewal'altepemeh **wan afromexihko'ewaneh** kipiayah tlatechpowilistli ma kinmatiltikah inintlatechpowilis wan tlen inintechwetsi, ipan tekitlamatiyotl, tomintlamatiyotl, tlamachtilkayotl wan tlachikawalkayotl.

TLASENTILTLAMATILLI VII TLEN TLAHTLANILISTLI

Tlanawatilli 39.- Masewal'altepemeh **wan afromexihko'ewaneh** kipiayah tlatechpowilistli ma kintlahtlanilikah ipan se tlanechikolistli, wahka moneki nochipa kintlahtlaniliseh kema moneki mochiwas se tekichiwalistli wan tlasenkawalli tlen kichiwas Altepetekowihkayotl wan/o Altepetlatilanmeh kampa kin'ahasis ipan kwalli o kin'ihlakos ipan ininnechikotlatechpowilis.

Altepetekowihkayotl wan Altepetlatilanmeh monekis kintlahtlaniliseh masewalmeh wan afromexihko'ewaneh ipan nopa tekitlasenkawalli tlen Amatekitlasenkawalli Estatal wan

Amatekitlasenkawalli Municipales tlen Weyichihkayotl, ika kwalli tekitlayekanalistli, ika yolmatilistli wan ika nechikoltlayekaneh, wan ma kinkakiliseh tlen ki'ihdoseh wan ma ki'amatlaliseh tlen kinekih ma mochiwa.

TLASENTILTLAMATILLI VIII TLEN TOOKAYO'AMATLALILISTLI

Tlanawatilli 40.- Altepetekowihkayotl, momapalewis ininwaya Altepetyltilanmeh tekowihmeh, kichiwaseh nopeka se 'ompa ipan se xiwitl nopa tekitl kampa kin'amatookatlaliseh tlen masewalmeh **wan afromexihko'ewaneh**.

Kaltekichiwani tlen tookayo'amatlalilistli kampa itstokeh o mochantihtokeh masewalmeh wan afromexihko'ewaneh, monekis momapalewihse ika tlahtolkopaneh tlen kamatih wan tlahkwilowah ika masewaltlahtolli **wan afromexihkotlahtolli**.

Tlanawatilli 41.- Altepetekowihkayotl, momapalewis ininwaya Altepetekowihkemeh tlen masewalmeh **wan afromexihko'ewaneh**, kampa kimoyawaseh tlamapalewilistli, kehino nimantsin mo'asiltis tekichiwali tlen tookayo'amatlalilistli wan kinmakaseh amatookayotl.

'EYI AMATOHKAYOTL TLEN SENTLAPALEWILISTLI ASIKAYOTL Sentsi Tlasentiltlamatilli

Tlanawatilli 42.- Ipan tekitl tlen mowika ipan penales, civiles, administrativos o ankewelli seyok tekichiwalli kampa onka se tlatsintokilistli, wan itechwetsi se tekowihketl tlen Altepetekowihkayotl wan kampa mopantis se masewalli o afromexihko'ewani, inimoneki kipyas se tlatenpalewihketl o se tlananawihketl público wan se tlahtolkwepketl tlen ki'ixmati 'itlahtol wan inemilis. Tlahtolkwepketl welis kitekowis teposmekatlanohnotsalli, kehni senka kwaltsin ki'asitiliyah tlatechpowilli tlen sentlapalewilistli asitikayotl.

Tlahtoltlasenkahkemeh wan kaltlasenkawaneh moneki kitlachiliseh, tla masewalli tlen kitlate'elwihtokeh.

Tlanawatilli 43.- Masewalmeh wan afromexihko'ewaneh kipyah tlatechpowilistli ma kinxitlawiliseh tlan kin'ixpanotoseh inintlatechpowilis, nohkiya welis kitemoseh ika seyok tekowihketl ma kitlachili tla neliya xitlawak kitlasenkawilihke itlatechpowilis, wan tla axkan ki'ohtsakwilihkeh ipan itlatechpowilis.

Tlanawatilli 44.- Kema ipan se tlamantli techwetsih masewalmeh o afromexihko'ewaneh, tlahtoltlasenkahkemeh wan kaltlasenkawaneh kikwaltlaliseh tlan se tlasenkahketl axkwalli kichihtok itekih, kema ihkino mopantiya ipan tlanawatilistli wan ma motlepanita tlakatlatechpowilistli.

Tlanawatilli 45.- Kampa masewalmeh **wan afromexihko'ewanih** kintsaktoseh ma ki'axitakah inintlatsoltilis moneki kipiaseh tekichiwalli ika kinmapalewiseh motehtemoseh wan ika moyekanaseh ipan nemilistli. Ni tekichiwalistli moneki ma mochiwas ika ininmasewaltlahtol wan ininnemiliskayo tlen masewalmeh **wan afromexihko'ewaneh**.

Tlanawatilli 46.- Ni Kaltekichiwani tlen Tlatenpalewilistli Pública tlen Yankwik Kechxochitekwani kisenkawas tekichiwalis kampa kinmachtiseh tlatenpalewiyaneh ika tla'ixmatilistli tlen masewaltlatechpowilistli **wan afromexihko'ewaneh**.

**NAWI AMATOHKAYOTL
TLEN TEPOSMEKATL TLAMATILKAYOTL TLEN MASEWALLI WAN
AFROMEXIHKO'EWANI
SENTSI TLASENTILTLAMATILLI**

Tlanawatilli 47.- Altepetekowihkayotl, ika Secretaría, kisenkawas wan kiyekanas nopa teposmekatl tlamatilkayotl tlen masewalmeh **wan Afromexihko'ewani**, mosenpalewiseh ininwaya kaltekichiwaneh federales wan tlen locales tlen inintechwetsi, ika mo'asiltis tlen kenihki monemiltiya, motomintiya, toltekayotiya, monawatayah wan tlen ininnemiliskayo, ika weliseh kimachiwases, kisenkawases wan kiyehyekoseh amatlasenkwaltekitl, wan nohkiya moneki nopano itstoseh masewaltlayekananeh **wan afromexihko'ewani**.

Tlanawatilli 48.- Teposmekayotl monekis kipiya ni tlamantli: Tookayotl tlen tlanechikolli kampa motookatlaliya masewalli **o afromexihko'ewani**, nochi tlamantli kampa mochantiya moneki motlachilis kenihki motookaxtihtok, masewaltlahtolli o afromexihko'ewani, kenihki monawatayah ipan nechikolli, inintlanawatilis, nochi tlamantli tlen mochiwa ipan mewalnemilistli. Ni teposmekatl moyankwilihtiyas kenihki kitlehkotiyaseh tlamatilistli.

Tlanawatilli 49.- Kenihki motekowis ni teposmekayotl, ni Secretaría kitlachilis kenihki mo'amatlaltok ipan Amatlanawatilistli **tlen nochi inintechpowi** tlen Transparencia wan Tlamatilkayotl Pública tikixmatis wan Amatlanawatill tlen Transparencia wan Tlamatilkayotl tikixmatis tlen Altepetekowihkayotl Yankwik Kechxochitekwani.

**MAKWILLI AMATOHKAYOTL
TLEN TEKITLAYEKANALLI ININWAYA ANAWAK KALTEKICHIWANEH
SENTSI TLASENTILTLAMATILLI**

Tlanawatilli 50.- Kenihki mo'amatlaltok ipan Amatlanawatilli tlen Anawak Kaltekichiwani tlen Masewal'altepehneh wan sekihnok amatlanawatilistli, Altepetekowihkayotl wan Altepetyltilanmeh, ipan inintekichiwali monekis momapalewiseh kisenkawaseh tekitt tlen kenihki mosentlalihtiyas wan kimanawis

tlatechpowilli tlen Masewal'altepehmeh, tlen kichiwah ipan amatekowih tlasenkawalli kampa kitlahkotaliya tlatechpowilistli tlen masewal'altepehmeh wan afromexihko'ewaneh, ihkino nohkiya tlen ika moweyichiwas, miyakh toltekayotl wan kapiyas ika monehnemiltis.

Altepetekowihkayotl wan Altepetlatilanmeh ipan inintechwetsi tekittl, monekis momapalewiseh ika tekichiwalistli tlen Anawak Kaltekichiwani tlen Masewal'altepehmeh wan tlen Anawak Nechikolistli tlen Mawal'altepehmeh.